

At nos reliquæ Fatorum , & cladis acerbæ
Quidnam agere ? amissis rebus , Patriaque , suisque
Merentes alii Divos exposcere mortem
Certabant ; alii contra non vulneris ictu
Expertes tamen huc atque illuc vociferantes ,
Vitæ nimium cupidi , mortem fugitabant ,
Et terram effuso signabant sanguinis imbre :
Interdum tamen a tergo velocior instans
Mors veniebat ob exhaustas vel denique vires ,
Vel quia murorum deprensos desuper ingens
Maestabat casus : nonnulli membra trahentes
Post sese lacera , & laniatos ictibus artus
Reptabant per saxa , suosque in opem vocitabant ;
Demum opis expertes , deserti , ut buccina sacra ,
Tristem exhalantes animam inter saxa cadebant .
Qui fuerant autem juvenili robore freti
Viribus intactis , & amor pietasque suorum
Queis mestum desiderio cor fixerat acri ,
Ibant huc illuc , evolvebantque ruinas ,
Et collapsarum certabant saxa domorum
Eruere , amissam Prolem , seniumque Parentum
Cum gemitu , & lacrymis , & luctuoso ululatu
Quærentes sub eis , iterumque iterumque vocantes .
Flamma vorax totam dein ingens orta per Urbem
A consanguineis disjunxit denique mæstos
Corporibus , sanctoque ingratis , pro fera fata !
Vulsit ab officio . Nostris hoc denique deerat
Ærumnis ; ipsum Urbis uti quoque conficeretur
Triste cadaver , & in miserat quoque dira ruinas
Sæviret Fortuna : cremantur corpora passim
Exanimum , & pariter viventum : namque sub ipsis
Lapsi qui domibus vitarant funera lethi ,
Sub Tignis , sub Fornicibus , sub pariete fracto
Subque cavis circum occlusi , obstructique ruinis ;
• Posterius tamen hos lethi vis corripiebat
Savior , heu ! vivos dissolvens ignibus artus :

Ar-